

Leasú 54**Anna Fotyga**

thar ceann an Ghrúpa ECR

Tuarascáil**Sven Mikser**

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

A9-0403/2023**Tairiscint i gcomhair rúin****Aithris C***Tairiscint i gcomhair rúin*

C. de bhrí go bhfuil cogadh foghach na Rúise i gcoinne na hÚcráine, chomh maith le teanntás méadaithe gníomhaithe réigiúnacha agus domhanda eile, amhail an tSín, an Iaráin agus tíortha áirithe de chuid na Murascaille, ag díchobhsú gharchomharsanacht an Aontais Eorpaigh, lena n-áirítear trí infheistíochtaí straitéiseacha agus feachtais bhréagaisnéise; de bhrí nach mór don Aontas tacaíocht níos mó a áirithiú, go háirithe do thíortha is iarrthóirí, chun an chobhsaíocht agus an tslándáil a chaomhnú agus chun an comhar cosanta a mhéadú, go háirithe ó thaobh an chomhraic i gcoinne na bréagaisnéise agus na cogaíochta hibridí; de bhrí go bhfuil todhchaí na mBalcán Thiar agus na dtíortha i gComharsanacht an Oirthir suite san Aontas;

Leasú

C. de bhrí go bhfuil cogadh foghach na Rúise i gcoinne na hÚcráine, chomh maith le teanntás méadaithe gníomhaithe réigiúnacha agus domhanda eile, amhail an tSín, an Iaráin agus tíortha áirithe de chuid na Murascaille, ag díchobhsú gharchomharsanacht AE, lena n-áirítear trí infheistíochtaí straitéiseacha agus feachtais bhréagaisnéise, ***ach freisin, i gcásanna áirithe, trí thacaíocht pholaitiúil, airgeadais, oibríochtúil agus lóistíochta a sholáthar d'eintitis naimhdeacha sa réigiún***; de bhrí nach mór don Aontas tacaíocht níos mó a áirithiú, go háirithe do thíortha is iarrthóirí, chun an chobhsaíocht agus an tslándáil a chaomhnú agus chun an comhar cosanta a mhéadú, go háirithe ó thaobh an chomhraic i gcoinne na bréagaisnéise agus na cogaíochta hibridí; de bhrí go bhfuil todhchaí na mBalcán Thiar agus na dtíortha i gComharsanacht an Oirthir suite san Aontas;

Or. en

Leasú 55**Anna Fotyga**

thar ceann an Ghrúpa ECR

Tuarascáil**A9-0403/2023****Sven Mikser**

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

Tairiscint i gcomhair rúin**Aithris D***Tairiscint i gcomhair rúin*

D. de bhrí, le hiarrachtaí leanúnacha na Rúise chun an tAontas a dhíchobhsú agus chun an bonn a bhaint d'ollstruchtúr slándála na hEorpa, go n-éilítear ar an tAontas feabhas suntasach a chur ar chomhtháthú agus éifeachtacht a bheartais eachtraigh, slándála agus cosanta agus a cheannasachta straitéisí, a chuspóirí straitéiseacha féin a leagan síos, a leasanna, a luachanna agus a shaoránaigh a chosaint laistigh agus lasmuigh dá theorainneacha, sna Balcáin Thiar agus i gComharsanacht an Oirthir agus an Deiscirt, chun síocháin, slándáil an duine, forbairt inbhuanaithe agus daonlathas a bhaint amach, agus tacú lena chomhpháirtithe;

Leasú

D. de bhrí, le hiarrachtaí leanúnacha na Rúise chun an tAontas a dhíchobhsú agus chun an bonn a bhaint d'ollstruchtúr slándála na hEorpa, go n-éilítear ar an tAontas **agus a Bhallstáit** feabhas suntasach a chur ar chomhtháthú agus éifeachtacht a bheartais eachtraigh, slándála agus cosanta **na hEorpa** agus **a** gcumais straitéiseacha a neartú, a gcuspóirí straitéiseacha féin a leagan síos, **a** leasanna, a luachanna agus a saoránaigh a chosaint laistigh agus lasmuigh **dá** teorainneacha, sna Balcáin Thiar agus i gComharsanacht an Oirthir agus an Deiscirt, chun síocháin, **cobhsaíocht**, slándáil an duine, forbairt inbhuanaithe agus daonlathas a bhaint amach, agus chun tacú **lena** gcomhpháirtithe;

Or. en

Leasú 56**Anna Fotyga**

thar ceann an Ghrúpa ECR

Tuarascáil**A9-0403/2023****Sven Mikser**

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

Tairiscint i gcomhair rúin**Aithris I***Tairiscint i gcomhair rúin*

I. de bhrí, in 2023, gur thug an Pharlaimint agus an Chomhairle comhaontuithe i gcrích maidir le tionscal cosanta na hEorpa tríd an ngníomh comhsholáthair (EDIRPA) agus tríd an nGníomh chun Tacú le Táirgeadh Armlón (ASAP), arb é is aidhm dóibh soláthar comhpháirteach táirgí cosanta a spreagadh, acmhainneacht táirgeachta thionscal cosanta na hEorpa a mhéadú, stoic laghdaithe a athshlánú agus ilroinnt in earnáil an tsoláthair cosanta a laghdú; de bhrí go bhfuil gá le tuilleadh tionscnamh chun fíor-chomhtháthú cosanta Eorpach a bhunú, lena n-áirítear Clár Eorpach Infheistíochta um Chosaint (EDIP);

Leasú

I. de bhrí, in 2023, gur thug an Pharlaimint agus an Chomhairle comhaontuithe i gcrích maidir le tionscal cosanta na hEorpa tríd an ngníomh comhsholáthair (EDIRPA) agus tríd an nGníomh chun Tacú le Táirgeadh Armlón (ASAP), arb é is aidhm dóibh soláthar comhpháirteach táirgí cosanta a spreagadh, acmhainneacht táirgeachta thionscal cosanta na hEorpa a mhéadú, stoic laghdaithe a athshlánú agus ilroinnt in earnáil an tsoláthair cosanta a laghdú; de bhrí go bhfuil gá le tuilleadh tionscnamh chun **fíor-idir-inoibritheacht agus idirmhalartacht Eorpach i réimse na cosanta a bhunú, lena n-áirítear Clár Eorpach Infheistíochta um Chosaint (EDIP), agus inniúlachtaí na mBallstát i réimse na slándála agus na cosanta á n-aithint ag an am céanna;**

Or. en

Leasú 57**Anna Fotyga**

thar ceann an Ghrúpa ECR

Tuarascáil**Sven Mikser**

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

A9-0403/2023**Tairiscint i gcomhair rúin****Aithris K***Tairiscint i gcomhair rúin*

K. de bhrí gur athdhearbhaíodh le cogadh foghach na Rúise i gcoinne na hÚcráine ról ECAT mar chloch choirnéil chosaint chomhchoiteann a chomhaltaí agus an éigeantacht a bhaineann le nasc láidir trasatlantach; de bhrí gur leag an cogadh béim freisin ar an easpa infheistíochta sa tslándáil agus sa chosaint i roinnt mhaith Ballstát an Aontais agus ECAT; de bhrí nach bhfuil ach cúpla Ballstát de chuid ECAT tar éis an cinneadh ó cheannairí ECAT 2 % ar a laghad de OTI a ghealladh do chaiteachas cosanta a chur chun feidhme; de bhrí gur cheart an sprioc chaiteachais 2 % a bheith ina híosmhéid do thíortha ECAT de chuid an Aontais seachas uasteorainn do chaiteachas cosanta;

Leasú

K. de bhrí gur athdhearbhaíodh le cogadh foghach na Rúise i gcoinne na hÚcráine ról ECAT mar chloch choirnéil chosaint chomhchoiteann a chomhaltaí agus an éigeantacht a bhaineann le nasc láidir trasatlantach; de bhrí gur leag an cogadh béim freisin ar an easpa infheistíochta sa tslándáil agus sa chosaint i roinnt mhaith Ballstát an Aontais agus ECAT; de bhrí go meastar nach gcomhlíonfar an cinneadh ó cheannairí ECAT 2 % ar a laghad de OTI a ghealladh **do chaiteachas cosanta in 2024 ach faoi 18 as 32** Bhallstát ECAT, **idir 3.9 % ag an bPolainn agus 0.72 % ag Lucsamburg, rud a léiríonn méadú gan fasach ar fud chomhghuaillithe na hEorpa ach a éilíonn comhroinnt ualaigh níos cothroime fós**; de bhrí gur cheart an sprioc chaiteachais 2 % a bheith ina híosmhéid do thíortha ECAT de chuid an Aontais seachas uasteorainn do chaiteachas cosanta, **agus gur cheart do na comhghuaillithe uile í a bhaint amach faoi 2025; de bhrí, ag Cruinniú Mullaigh Vilnius 2023, gur gheall ceannairí comhghuaillithe 20 % ar a laghad dá mbuiséid chosanta a infheistiú ar threalamh mór agus ar thaighde agus forbairt ghaolmhar**;

Or. en

21.2.2024

A9-0403/58

Leasú 58

Anna Fotyga

thar ceann an Ghrúpa ECR

Tuarascáil

Sven Mikser

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

A9-0403/2023

Tairiscint i gcomhair rúin

Aithris L

Tairiscint i gcomhair rúin

L. de bhrí gur léirigh na hionsaithe sceimhlitheoireachta a rinne Hamas i gcoinne Iosrael an staid slándála luaineach agus dhinimiciúil sa Mheánoirthear agus gur gá don Aontas agus do ghníomhaithe idirnáisiúnta eile freagracht níos mó a ghlacadh orthu féin agus cabhrú le rialtais agus le heagraíochtaí na sochaí sibhialta sa réigiún síocháin mharthanach agus inbhuanaithe a bhaint amach, go háirithe trí leanúint de thacaíocht a thabhairt do réiteach dhá stát idir Iosrael agus an Phalaistín;

Leasú

L. de bhrí gur léirigh na hionsaithe sceimhlitheoireachta a rinne Hamas i gcoinne Iosrael an staid slándála luaineach agus dhinimiciúil sa Mheánoirthear agus gur gá don Aontas agus do ghníomhaithe idirnáisiúnta eile freagracht níos mó a ghlacadh orthu féin agus cabhrú le rialtais agus le heagraíochtaí na sochaí sibhialta sa réigiún síocháin mharthanach agus inbhuanaithe a bhaint amach, go háirithe trí leanúint de thacaíocht a thabhairt do réiteach dhá stát idir Iosrael agus an Phalaistín, **chomh maith leis an sceimhlitheoireacht agus an radacú a chomhrac sa réigiún;**

Or. en

21.2.2024

A9-0403/59

Leasú 59

Anna Fotyga

thar ceann an Ghrúpa ECR

Tuarascáil

A9-0403/2023

Sven Mikser

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

Tairiscint i gcomhair rúin

Aithris O

Tairiscint i gcomhair rúin

Leasú

O. de bhrí, mar a leagtar amach sa Chompás Straitéiseach, nach mór don Aontas dlús a chur lena uaillmhian chun uathriail straitéiseach oscailte agus ceannasacht theicneolaíoch a bhaint amach, agus a chomhpháirtíochtaí le comhpháirtithe atá ar aon intinn leis a threisiú ag an am céanna chun a luachanna agus a leasanna, chomh maith le luachanna agus leasanna a chomhghuaillithe agus a chomharsana, a choimirciú;

O. de bhrí, **fiú** sa Chompás Straitéiseach, go bhfuil neamhspleáchas straitéiseach oscailte agus ceannasacht theicneolaíoch **fós gan sainiú agus go bhfuil siad faoi réir thoil na mBallstát; de bhrí go bhfuil gá níos mó ná riamh** le comhpháirtíochtaí **AE** le comhpháirtithe atá ar aon intinn leis a neartú chun a luachanna agus a leasanna, chomh maith le luachanna agus leasanna a chomhghuaillithe agus a chomharsana, a choimirciú;

Or. en

Leasú 60**Anna Fotyga**

thar ceann an Ghrúpa ECR

Tuarascáil**A9-0403/2023****Sven Mikser**

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

Tairiscint i gcomhair rúin**Aithris Q***Tairiscint i gcomhair rúin*

Q. de bhrí go bhfuil sé d'aidhm ag misin agus oibríochtaí CBSC athléimneacht agus cobhsaíocht chomharsanacht na hEorpa a neartú, amhail sa Mheánmhuir, sna Balcáin Thiar agus i gCorn na hAfraice, trí sheirbhísí a sholáthar amhail seirbhísí míleata, póilíneachta, garda cósta, oiliúint bainistithe teorainneacha agus fothú acmhainneachta; de bhrí, má tá misin CBSC chun cuspóirí misin a bhaint amach, nach mór dóibh tús a chur le comhairle agus oiliúint a thabhairt chun dul i ngleic le teicneolaíochtaí atá ag teacht chun cinn agus le teicneolaíochtaí suaiteacha atá ag teacht isteach go tapa sa timpeallacht 'coinbhleacht reoite';

Leasú

Q. de bhrí go bhfuil sé d'aidhm ag misin agus oibríochtaí CBSC athléimneacht agus cobhsaíocht chomharsanacht na hEorpa a neartú, amhail sa Mheánmhuir, **sa Chugas Theas agus i Réigiún na Mara Duibhe**, sna Balcáin Thiar agus i gCorn na hAfraice, trí sheirbhísí a sholáthar amhail seirbhísí míleata, póilíneachta, garda cósta, oiliúint bainistithe teorainneacha agus fothú acmhainneachta; de bhrí, má tá misin CBSC chun cuspóirí misin a bhaint amach, nach mór dóibh tús a chur le comhairle agus oiliúint a thabhairt chun dul i ngleic le teicneolaíochtaí atá ag teacht chun cinn agus le teicneolaíochtaí suaiteacha atá ag teacht isteach go tapa sa timpeallacht 'coinbhleacht reoite';

Or. en

21.2.2024

A9-0403/61

Leasú 61

Anna Fotyga

thar ceann an Ghrúpa ECR

Tuarascáil

A9-0403/2023

Sven Mikser

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

Tairiscint i gcomhair rúin

Aithris Af

Tairiscint i gcomhair rúin

Leasú

Af. de bhrí go bhfuil an Coimisiún agus an Pharlaimint tiomanta don Aontas a threisiú mar ghníomhaí seachtrach atá in ann gníomhú ar bhealach níos straitéisí agus ***níos uathrialaithe***;

Af. de bhrí go bhfuil an Coimisiún agus an Pharlaimint tiomanta don Aontas a threisiú mar ghníomhaí seachtrach atá in ann gníomhú ar bhealach níos straitéisí agus ***níos éifeachtaí, de bhrí gurb iad an Chomhairle agus na Ballstáit na príomhúdaráis chinnteoireachta maidir le slándáil agus cosaint***;

Or. en

21.2.2024

A9-0403/62

Leasú 62

Anna Fotyga

thar ceann an Ghrúpa ECR

Tuarascáil

A9-0403/2023

Sven Mikser

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

Tairiscint i gcomhair rúin

Mír 3 a (nua)

Tairiscint i gcomhair rúin

Leasú

3a. ag cáineadh iarrachtaí na hIaráine Iosrael a chur i mbaol tuilleadh agus an réigiún a dhíchobhsú trína ionadaithe, lena n-áirítear na hionsaithe agus na bagairtí a rinne reibiliúnaigh Houthi le déanaí i gcoinne shaoirse na loingseoireachta sa Mhuir Rua; á chur in iúl gur geal léi láithreacht mhéadaithe na hEorpa chun an tsaoirse sin a chosaint trí mhisean nuabhunaithe CBSC ar a dtugtar EUNAVFOR ASPIDES; ag tabhairt rabhadh do Hezbollah nach mór dó rún 1701 ó Chomhairle Slándála na Náisiún Aontaithe a urramú agus staonadh ó aon chineál cogaithe armtha i leith Iosrael a d'fhéadfadh a bheith mar thoradh air go dtarraingeofaí an Liobáin isteach i gcogadh agus go mbeadh iarmhairtí tubaisteacha aige do mhuintir na Liobáine atá ag fulaingt cheana féin mar gheall ar láithreacht agus tionchar urchóideach Hezbollah sa tír;

Or. en

Leasú 63**Anna Fotyga**

thar ceann an Ghrúpa ECR

Tuarascáil**Sven Mikser**

Cur chun feidhme an chomhbheartais slándála agus cosanta - tuarascáil bhliantúil 2023 (2023/2119(INI))

A9-0403/2023**Tairiscint i gcomhair rúin****Mír 17***Tairiscint i gcomhair rúin*

17. á athdhearbhú, chun bheith ina ghníomhaí geopholaitiúil inchreidte, gur cheart don Aontas a chóras cinnteoireachta a athchóiriú; á chur in iúl gur oth léi nár úsáideadh an acmhainneacht maidir le gníomhaíocht eachtrach, slándála agus cosanta atá tapa, éifeachtúil agus éifeachtach, dá bhforáiltear le clásail passerelle CAE, ach ar bhealach an-teoranta; **ag athdhearbhú a hiarrata go ndéanfadh an Chomhairle athrú de réir a chéile go vótáil trí thromlach cáilithe le haghaidh cinntí maidir le CBES agus CBSC, ar a laghad sna réimsí sin nach bhfuil impleachtaí míleata acu; ag athdhearbhú a hiarrata go mbunófaí cruinnithe rialta de chuid comhairle airí cosanta an Aontais agus á iarraidh go mbunófaí ceanncheathrú chomhpháirteach sibhialta-mhíleata ar an leibhéal Eorpach lena gcomhcheanglaítear ionstraimí sibhialta agus míleata chun leas iomlán a bhaint as cur chuige comhtháite an Aontais maidir le bainistiú géarchéime ó phleanáil straitéiseach go seoladh iarbhir an mhisin nó na hoibríochta;**

Leasú

17. á athdhearbhú, chun bheith ina ghníomhaí geopholaitiúil inchreidte, gur cheart don Aontas ***tuiscint choiteann níos fearr ar bhagairtí a bhunú agus a chumais agus a thoil pholaitiúil a mhéadú chun gníomhú seachas díreach díriú ar a chóras cinnteoireachta*** a athchóiriú, ***amhail vótáil trí thromlach cáilithe a fhorchur le haghaidh cinntí maidir le CBES agus CBSC; ag tabhairt dá haire*** nár úsáideadh an acmhainneacht maidir le gníomhaíocht eachtrach, slándála agus cosanta atá tapa, éifeachtúil agus éifeachtach, dá bhforáiltear le clásail passerelle CAE, ach ar bhealach an-teoranta;

Or. en